

## Sve spremno za Filmski festival u Antaliji: Film Jasmile Žbanić u takmičarskom programu



Organizatori 57. Filmskog festivala u Antaliji saopćili su da je sve spremno za ovogodišnju filmsku smotru i objavili su imena članova žirija i filmova koji će učestvovati u Međunarodnom natjecanju za najbolji igrani film, javlja Anadolu Agency (AA).

Redatelji, scenaristi i umjetnici iz različitih dijelova svijeta ocjenjivat će filmove odabrane za festival, a među njima je i drama "Quo Vadis Aida" bh. režiserke Jasmile Žbanić

Članovi žirija su turski scenarist i redatelj Emin Alper, rumunjska producentica Ada Solomon, umjetnički direktor filmskog festivala Tribeca Frederic Boyer, iranski glumac i redatelj Niki Karimi i brazilska filmašica Sandra Kogut.

Filmovi, od kojih je većina premijerno prikazana na nedavnom Venecijanskom filmskom festivalu u Italiji, prvi će put biti prikazani i turskoj publici na festivalu koji se održava od 3. do 10. oktobra.

Filmova koji su ušli u takmičarski program Filmskog festivala u Antaliji su "The Big Hit, Lili Horvat's Preparations to be Together for an Unknown Period of Time" Emmanuela Courcola, "Ladies of Steel" režiserke Pamele Tole, "Yalda, a Night for Forgiveness" režisera Massouda Bakhshija, "200 Meters" Ameena Nayfeha, "Nowhere Special" Uberta Pasolinija, "The Ties" režisera Danielea Luchettija, "Listen" režiserke Ana Roche de Sousa, "Gaza Mon Amour" braće Araba i Tarzana Nassera i "Quo Vadis Aida" bosanskohercegovačke režiserke Jasmile Žbanić.

Pobjednici natjecanja bit će objavljeni posljednjeg dana festivala, na zatvaranju i ceremoniji dodjele nagrada.

Filmski festival, koji je započeo 1963. godine kao Antalya Golden Orange Film Festival, jedan je od najstarijih i najdugovječnijih filmskih festivala u Turskoj.

[Share on Facebook](#)

- [Tweet](#)

- [Follow us](#)

- [Share](#)

- [Share](#)

- [Share](#)

- [Share](#)

- [Share](#)

Date: 21-09-2020